

江陰縣志

卷首

一冊

光緒戊寅新鐫

江陰縣志

重修江陰縣志序

光緒丙子秋重膺

簡命視學江蘇江陰固使者駐  
節地也越明年馮君壽鏡  
以名進士來攝邑篆甫下

序

車即謁予曰曩上憲檄所  
屬修郡邑志以為通志權  
輿是邑志乘靈令思誠經  
始於前沈令偉田踵武於  
後今詮訂將竣乞序以弁



其簡端適將按臨蘇郡行  
有日矣不暇披覽詢梗概  
焉馮曰志乘失修垂四十  
年矣雖山川風物無異昔  
時而

序

聖主政垂寬大有若減賦役以  
甦民困廣學額以植人才  
設水師以固江防而安勁  
旅皆邇來維新之治邑雖  
小詎可略而勿志歟予曰

此仁政大綱也馮又曰此  
邦素名忠義庚申之變爰  
舉義旗以翦梟獍慷慨捐  
軀者有之從容赴義者有  
之若男懷屈子之誠女抱

序

三

恩綸

螺姬之烈者更不勝屈指  
殉難之多甲於通省既沐  
之旌卹詎堪姓氏之缺傳  
予曰此不朽盛事也馮又  
曰山川鍾毓賢哲挺生成

以經濟顯名於當時或以  
文行見稱於鄉里下逮人  
情風土軼事微言都人士  
之儀型守土者之考鏡均  
於是乎在苟不網羅焉以

序

四

筆之於書後之人何所攷  
證乎予應之曰唯唯竊以  
秉筆之難也非史氏則體  
例不嚴非土著則見聞不  
確史氏矣土著矣非鑒空

衡平則品題不當有是三  
者又得賢令尹集思廣益  
與邑之士大夫徵文考獻  
衆訂於其間則是書之成  
竊為斯邑幸要不獨為斯

序

五

邑幸也若夫蒐羅之宏富  
體例之謹嚴固無俟予之  
贅筆云爾

賜進士出身翰林院侍讀  
學士

日講起居注官  
弘德殿行走江蘇督學使  
者長樂林天齡序



序

六



重修江陰縣志序

有邑必有志自昔皆然舉千萬  
年來民生利病風俗臧否與夫  
制度之沿革損益文獻之消長  
盛衰無不考核明紀載備一經  
歷覽習次了然故欲得德勉之

序

資舍是無從考鏡志之有闕治  
理也重矣光緒丙子秋余奉檄  
庀代江邑抵任後即觀邑志自  
疆域山川田賦學校以及忠孝  
節義文章經濟原、本、燦若  
列眉余不出戶庭數日間即周

知源委問津有自藉以奉為師  
資也不覺輒然喜第續修斯志  
自前縣陳君延恩輯於道光己  
亥年迄今倏忽又三十餘載矣  
江邑文物繁盛名賢繼起庶不  
乏人今不及時增修年久防將

序

二

湮沒後之官斯土生斯土者縱  
欲求以譜景前徽其柰終多缺  
憾何興念及茲不覺惕然憲時  
適有邑紳告余曰夏間已奉  
郡尊飭修邑志並承諸紳會商  
籌款舉辦余曰善於是得報設

局迨李君梅太史總司纂輯學  
優行卓者分司其事焉籌議成  
余即心期已屆戊寅歲余署潼  
陽任內接邑紳陳君榮邦信示  
及志事指日告成促余為序欣  
甚予自維謏陋又不覺赧然慚

序

三

夫以迨陵讓德之區地靈人傑  
綿之迨、景象之休明名高指  
序述詳矣余惡予言是役存賢  
蒼萃殫心經畫旁搜博採網不  
遺珠洵游夏不能贊一詞也余  
又惡乎言雅然余曾蒞茲土典

士民共休戚澄江事敢不預聞  
况是志也成所紀皆民生風俗  
制度文獻以體攸圖余既考鏡  
有資安可默而無語也志事博  
洽非廣見聞遺韻流風可法可  
戒後之覽斯編者尚其知所懲

序

四

勉毋負修纂苦心焉爰識數言  
附以為序時戊寅孟冬望日補  
用同知直隸州候補知縣前代  
理江陰縣事署沭陽縣事候官  
盧思誠撰



重修江陰縣志序

居百里之地而不能周知其山川形勢物產民風洎一邑之掌故者不足以爲治况南北所冲之鉅邑哉

序

縣舊志創自宋應代輯纂至我

朝乾隆九年蔡君雨亭以名進士來宰是邑百廢俱舉出其緒餘以修邑志美

矣脩矣踵其後者不過各  
舉數十年之事鉤元提要  
筆之於書期於信今傳後  
而已夫沿革建置歷代縱  
有損益要未嘗大異也惟

序

二

人物之出與時運為轉移  
其間英賢迭起固自不乏  
獨至忠臣義士節烈婦女  
則非遭遇變故或未足以  
伸其志伸矣而又限於見

聞致幽光潛德匿而不耀  
不樂令江山減色乎昔賢  
謂修輯之功人物為重詎  
不信哉江陰固所稱忠義  
邦也當粵逆竄踞時邑人

序

三

張空拳冒白刃忼凱捐軀  
闔門自盡者不可勝紀夫  
以彈丸黑子不數年間而  
得十餘萬之毅魄忠魂爭  
光日月非邑之光歟歲丙

子偉田奉檄調赴文闈檄  
棘校任前尹實甫盧君己  
與都人士籌經費定章程  
徧告上游遂禮君樞太史  
與永曦司馬主其事而能

序

四

文之士分任採輯其中條  
目義例間叅管見草創未  
就會受代去於今又數年  
矣而其書始成邑之士大  
夫不嫌謏陋以稿見示受



而讀之嘆其詳審精必史  
筆凜然而向之為國捐軀  
者搜羅殆遍罔有遺佚不  
覺釐然有當於心也儻所  
謂修輯之功人物為重者

序

五

此物此志也夫

補用知府即補直隸州特  
授江陰縣知縣書溪沈偉

田序



重修江陰縣志序

郡縣之志原於史由來遠矣凡山川形勢風俗利病與夫物產盈虛人文隆替悉於是乎具而官斯土者恃為攷鏡之資蓋所繫為至重也溯自夏書禹貢周

序

官職方實地志之權輿厥後班固志地理司馬彪志郡國凡在史家代勤纂述唐宋以降迺有專書元和郡縣太平寰宇最為顯著

皇朝文軌大同載籍極博自行

省以及府州縣靡不有志炳炳  
乎其尤盛已江陰設邑肇自晉  
代志書屢經修輯顧自道光二  
十年邑宰陳君延恩續修以後  
又歷三十餘載人事日增風會  
遞進加以中遭兵燹因時建置

序

頓改舊觀如築礮臺更營制以  
及減田賦廣學額恩威並至其  
盛事亦卓有可傳後之視今猶  
今之視昔不有纂修何所徵信  
大中丞吳公涖吳之次年政通  
人和百廢具舉檄下前任沈君

偉田籌款興修與邑中人士設  
法鳩資聘季太史念詒主其事  
而以夏司馬煒如副之嗣司馬  
物故分纂諸君采訪蒐輯洊更  
寒暑功未竟而沈君謝事以去  
余適承乏是邦因與朝夕參稽

序

三

黽勉從事期年而書告成蓋經  
始於光緒丙子之冬竣事於戊  
寅秋八月其間闕者補之軼者  
增之舉所為山川風俗物產人  
文元元本本咸萃斯編下以備  
一邑之掌故即上以資國史

之采擇此皆由中丞綜理之  
密沈君創始之艱秉筆與咨訪  
諸君任事之勤急公之切而余  
因得以不才樂觀厥成也爰欣  
喜而為之序  
賜進士出身補用知府即補直

序

四

隸州江蘇丹徒縣知縣調署江  
陰縣知縣餘不馮壽鏡撰



重修江陰縣志序

江陰之有縣志始於宋補於元備於  
明

國朝康熙中前知令沈清世續修之  
乾隆中前知令蔡澍又續修之至後  
牛公龜奎修而未竟舊志遂多散

序

佚道光庚子戡步知令陳君廷恩  
大加纂緝時稱善率距今卅餘年  
宜補載者甚夥光緒丙子歲  
上憲檄所屬修郡邑志以為省志  
權輿所邑志乘盧君思誠經始於  
前沈君偉田及馮君壽鏡譚君

泰來相繼於後總司纂緝者為  
季君梅太史分任採輯者六皆文  
行素優之士已卯秋余蒙大府題  
補并邑率檄上初

大中丞吳公又諱上以邑志未竣功  
勿虧於一篑為呀下車後搜襟雖

序

二

誦見其網羅之闕富辭例之謹嚴  
宏綱細目燦然大備心折者久之  
惟堂中有尚推未定者復屬校  
刊之士詳加考訂闕者補上訛者  
改之迨庚辰秋告成則余已率文  
卸篆矣夫以諸君子之鴻才掾

華新文表素已足潤色休明恢宏  
政治余才淺學疏以敢復贅一詞  
幸馬首載途之際樂觀厥成得  
綴名於諸君子之後附驥尾而垂  
久遠是亦私衷所竊願耳他日  
不遠在遠惠賜一函庶幾按

序

三

聖圖記如履歷山川考其風俗如  
見於人民讀之鴻篇鉅製又不啻  
與此邦之賢士大夫相往論文者  
焉共賞也若云殿後者功則吾豈  
敢

賜進士出身同知銜特授江陰縣



知縣孝感李文耀撰并書



序

四

江陰縣志目錄

卷首

舊序 修輯姓氏 凡例 全圖

卷一

建置 沿革 城池 官署 倉庫 刑獄 官宇 公所

卷二

疆域 星野 道里 坊鄉 鎮保 市街 郵鋪 橋梁

卷三

山川 山 江湖 河港 閘堰 潮夕

卷四

江陰縣志

卷首目錄

一

民賦 戶口 保甲 鹽筴 田徭 賦額 蠲復 積貯

卷五

學校 廟制 學制 書院 社學 義附

卷六

武備 軍制 城守 水師 防汛 馬路 關寨

卷七

秩祀 壇壝 廟祠

卷八

祥異

卷九

風俗

四民  
方言

婦女

通尚

歲時

農占

諺語

卷十

物產

卷十一

職官一

卷十二

職官二  
附 祿 秩

卷十三

選舉一

卷十四

江陰縣志

卷首  
目錄

二

選舉二  
封贈 襲蔭 附

卷十五

名宦

卷十六

人物一  
鄉賢 忠義 孝弟

卷十七

人物二  
儒林 文苑 政績

卷十八

人物三  
行誼 隱逸 耆舊 藝術 僑寓

卷十九

列女一 節婦

卷二十

列女二 節婦 貞女 孝婦 孝女 烈婦 烈女 貞壽

卷二十一

方外 釋道

卷二十二

古蹟 附園墅

卷二十三

冢墓 附義冢

卷二十四

江陰縣志

卷首 目錄

三

寺觀 寺 菴 觀 院 殿 閣

卷二十五

藝文一 疏議書

卷二十六

藝文二 序記 雜著

卷二十七

藝文三 賦詩

卷二十八

藝文四 詩

卷二十九

忠義總綱  
寇變紀  
略附

卷三十

識餘

江陰縣志

卷首  
目錄

四

江陰縣志卷首

舊序

施志序

宋紹熙五年邑有志自此始

簽判

俞巨源

大江自京口委折而南浩漾澎湃勢益壯越數百里聚爲澄江之區其山川甚秀其生齒甚繁其風物甚雅而名公賢士大夫落落繼出如騎星辰通德之門奐焉相接也自縣升軍額不惟其地望更重而其去行在所不信宿亦獲附畿甸五等侯之列故守將爲時高選雖在江一隅商舶輻至然夙號清簡少事有枚數當今樂州者必屈指焉郡各有志澄江獨未之作也吳興施公太博知軍事慨然以

江陰縣志

卷首

舊序

一

爲缺典首命郡博士鄭君邑大夫徐君相與蒐獵以編爲書庶幾來者有考鄭君於是質之古驗之今採其土地所有記聞所傳科條所當登載者分爲三十二門計一十卷其文直其事核其目井井也書成而施公以請祠去巨源嘗以幕僚攝承泮宮諸生僉以鋟木爲鄭君請因贊其成且巨源嘗爲施公屬載其作書之自及識其日月敬不敢辭然鄭君爲是書也亦勤矣先賢讀詩之綠竹猗猗知衛地淇澳之產在其板屋知秦野西戎之居隻字片辭坐致千里古人發興於詠歌且爾况紀事之書乎鄭君誠有做乎此

主修軍知施邁 纂修授教鄭應申知縣徐綱

顏志序紹定三年 教授 郭庭堅

江陰舊志前廣文鄭應申所編時紹熙甲寅歲也間有考之未詳畧而弗備者况歷三紀之餘時異事殊洵有增益盍廣前聞庶免疎缺顏侯奏院一寓目而深有志焉庭堅以文學掾承侯命偕前國學進士蔣汝通纂修之迺審訂是非搜訪遺逸因其編目隨類附入眎前志為稍詳若曰全備則非庭堅敢知也

主修軍知顏耆仲 纂修授教郭庭堅進士蔣汝通

重刊顏志題識元至元二十三年 教授 朱子昌

江陰縣志

卷首舊序

二

江陰舊有郡志遺闕泯漫至元丙戌分教於茲重加校正命工鋟梓始為全書蓋存古也

主修授教朱子昌

重刊顏志序明洪武九年 知縣 饒元德

予觀宋江陰志作於紹定實起自太平興國以來三百年事畧可尋覽大要所詳載者三江防民政學事也其於營屯之設置攻守之備具七百里江面歷歷掌握中無尺地非其所經理民間閘堰之起築租課之耗益二百里郊圻物物在胸臆下無一夫非其所料理以至學校之事皆然真可見古人為政之用心矣皇明龍集丙辰春朝廷注意

於天下典故大加訪求用深考究以備觀覽惜乎本境兵燹焚蕩之餘架閣無文廳壁無記於是招集遺老延致儒流胥會於學宮搜葺散亡掇拾殘斷舊書前後續編總一十三卷求之數家晚得張彥翔所藏本讐校始克稍完謄錄鐫刻猶慮中間魯魚亥豕訛舛尚多哲匠藻鑑儻改而正諸不亦宜乎

主修

知縣

饒元德

纂修

庠生

張彥翔

賀志序

洪武二十四年

縣丞

賀子徽

按舊志江陰爲揚州之域斗牛之墟自梁唐宋元而其間或爲郡爲州爲軍爲縣陞降不同而風土未嘗異也昔吳

江陰縣志

卷首

舊序

三

公子札讓國來耕號延陵季子楚封黃歇爲春申君我朝混一以來則改爲連洋州又封都督吳公爲江陰侯未幾復改江陰縣洪武二十四年春予來貳令到任兩月獨員署事自卯而出終酉而退屈力殫慮思圖補報何暇覽是邑山川之形勝論當時人品之賢否一日有耆士謁予而言曰江陰歷代事蹟備載舊志降自前元迄於今猶有所缺言之若有意於續志焉吁予倥偬中何能與翰墨相接而談及斯文哉然是邑居江之南海之北山明水秀人傑地靈藹然文物之區蔚然詩書之藪蜚英翰苑馳名縉紳皆表表令聞所謂江陰續志奚可不贊襄之遂命邑庠訓



士賀賢校正此書俾鍍諸梓以永其傳儻後之人展斯集而知江陰之源委觀民情而知政教之得失是有補於將來者也

主修 縣丞 賀子徽 纂修 訓導 賀賢

陳志序 永樂十年 訓導 陳贄

江陰志自宋紹熙甲寅歲郡守施公邁命教授鄭應申編集成書至紹定庚寅郡守顏公耆仲命學錄郭庭堅偕進士蔣汝通纂修之其視前為詳元至元丙戌教授朱子昌慮其遺闕重加校正命工鍍梓以永其傳國朝洪武辛未二尹賀公子徽命訓士賀賢編續志畧而不詳永樂戊戌

江陰縣志

卷首 舊序

四

秋奉旨纂修志書與邑之文士許用升輩乃審其是非採其遺逸修之然其間損益自媿學識荒疎於古今事蹟恐未詳載尚冀後之君子慨其闕畧而增飾之斯具美矣

主修 訓導 陳贄 纂修 庠生 許用升

顏志序逸 天順中

主修 進士 顏瑄

羅志序逸 宏治七年

主修 羅輔

黃志序 宏治十一年 邑人 高寶

江陰縣志一十四卷總若干萬言故監察御史蘭谿黃公

傳令是邑時所作也宏綱巨領羅絡無遺細目苛條搜剔罔漏可謂盡心焉爾矣去今二十六年歷三四賢令佐未有能板之者乃今大令古磁王侯泮視篆之始首謀及之而適奉明旨遍徵於天下郡邑侯若有先知焉者亦此志之奇遇也刻既成侯乃以敘命賓賓何言哉夫郡邑之必有志也所以物土方存故實觀治忽寓警勉也何以言之昔者先王疆理宇內大邦小邑棊布星羅知夫風以方殊俗以習異不能相一也於是設官分職俾均其政於天下使夫風之澆者於是而同其淳俗之陋者於是而同其雅然職有修否政有疎密而功化之效亦因之有淺深矣故

## 江陰縣志

### 卷首

舊序

### 五

必志以志之以備一方之故實使後之君子於是而有考焉則夫警勉之意亦行乎其間矣江陰以宇宙彈丸之地遠自商周之際己爲泰伯至德之鄉又數百年而爲季子遜耕之國自是以來雖經歷代判合無常而土物人文日進嘉美故前人謂人秀而文良有以也迨我皇明啟運奄有萬方太祖高皇帝定鼎金陵而江陰實維南服近郊首被皇仁之地况承列聖熙洽之化百五十餘年於此是以土俗人風益躋淳美人皆以奮爭爲恥忍讓爲賢雖或其間不能無少低昂亦以時政有激失其常性焉爾蓋嘗因志求之君子之宦遊於此若干人矣而我土庶或則神明

之父母之在而戴之去而思之追以餞之碑以頌之及其  
歿也俎豆而尸祝之者有焉或則讐敵以疾之鴟梟以惡  
之令而抗之呼而逃之羣而噪之聚而訟之及其行也扼  
吭而哇之者有焉夫由前言之孝弟之道也由後言之亂  
賊之風也是豈斯土斯人之性朝陵暮谷遷變無常爲醉  
爲狂是非無準如此哉其必有取之矣且極敝大壞未有  
甚於今數年者而我王侯之來曾未數月人已欣欣動色  
相賀孝弟之心油然而生矣豈又一江陰也邪孔子曰上  
好禮則民莫敢不敬上好義則民莫敢不服上好信則民  
莫敢不用情又曰苟子之不欲雖賞之不竊則夫風俗美

江陰縣志

卷首

舊序

六

惡斷係一人而國家所以法古建官授事責成之意亦斷  
乎其可識矣惟昔黃公之來適承其敝而深有慨焉是以  
洗垢吹毛盡發其隱嚴辭正色直抵其罪蓋惟其憂之也  
深故其言之也切其愛之也篤故其誨之也詳甚知其非  
得己也志自宋紹定後無續之者國初賀丞子徽嘗一續  
之而失之淺天順中邑人顏瑄氏又嘗一續而失之駁且  
復半爲襲美於人於是黃始大刊其舊而極其辯焉或曰  
黃則辯矣然攻或過激求或過深頌或過譽取或過隘亦  
盡予之乎賓曰雖然亦有說焉孔子作春秋以寓王法而  
曰吾志在春秋江陰之志固亦黃公之寓志爾豈獨爲江

陰發哉讀者不可不知是爲序

主修知縣黃 傅 纂修貢生方 謨進士張 簡庠生蘇 巒

庠生顧 康

續志序 正德十五年

邑人方 謨

侍御蘭谿黃公傅先宏治癸丑令江陰慨邑中文獻莫徵以志殘缺謂事無所稽民無所勸乃徧索宋紹熙創志紹定續志國朝洪武續修永樂重修志天順顏志宏治羅志彙而繹之得肯綮揭綱領者十累條目者八十有九集諸生蘇巒顧康張簡及謨給事蒐討曰制治曰人物屬謨曰疆土曰風俗屬簡曰名宦曰宦達屬康曰雜傳曰異端曰

江陰縣志

卷首 舊序

七

物產屬巒曰括志而疆土中如分野星占則公自專之又兼總各所屬焉次第爲卷者凡一十有四題曰江陰縣志書成迄今塵封者二十三年矣我新令上黨王公泮來甫閱月孚憲舊章適徵志之命申自我天皇而奉行督莅者則巡撫少司徒李都憲遂以筆研屬謨收諸生蔣舜文花實相之起自黃公絕筆之年宏治戊午止今正德庚辰俾嗣采編用開後始謨悚慄承之遯惟先志備諸家史體而成謨親在弟子之列曷敢自用以別開戶牖哉綱領條目大小悉如其故間小有出入者存道德存名節存隱逸待其人也去將官去特奏去顯宦去方技無是名也進歲貢

於諸科之前與進士鄉舉隨比其類也謹錄制誥敕命之詞而封贈系之昭恩典也入貲項下標題某職分註某名籌他日書者尚多也職官年表罷蒐討之詳表近年官也大事記止書大事殺記字以避嫌春秋綱目不敢擬也虛雜辯之篇有辯則各註於本目之下也帙非如先志之繁約之而爲卷九也所謂續志者如此而已也若夫梓而行之使黃公一家之文章一代之令典不至泯其光精又使一邑之風土物情禮樂政教之美惡污隆得失首自商周中及秦漢晉齊梁隋唐宋而終之入我國朝凡數千百年人莫知所之者於是乎有可稽與可勸者在而我王公力任之功則非謨所能模述其偉云

江陰縣志

卷首

舊序

八

主修 知縣 王 泮

纂修 貢生 方 謨

庠生 蔣舜文 庠生 花 實

趙志序 嘉靖二十七年

郡人 唐順之

有家者隨其家之所有而籍記之其常也凡其田畝租甌錢貫絲縷鼓合醬罌僮指之數此纖勤治生者之所詳而游閒華飾者之所畧也凡其池館花樹狗馬圖畫古物珍器之數此游閒華飾者之所詳而纖勤治生者之所畧也二者則更相笑矣而家之所以爲家者則固在此而不在彼也歟郡國州邑之有志自古而已然亦所謂隨其郡國州邑之所有而籍記之其常也禹貢周職方豈非志國邑

之所權輿也哉然自後世觀之則見其有瑣細而俚俗者矣夫其田賦高下之異等墳壚黎赤之異壤九鎮九澤之異名而五戎八蠻之異服其列而載之可也至於篠簜籩簠淮蠙江龜海錯之纖細則類於草木蟲魚之書而多男少女多女少男之紀則近於閭井邨俗之談古人何若是之瑣瑣也蓋苟有切於利器用而阜民生辨陰陽而蕃孳息則固不得以其穢雜而畧之而况其大且重者乎其所載而詳者固然則其所以不載者亦可知矣後之所謂地志者則異是矣其敘山川也既無關於險夷瀦洩之用而其載風俗也亦無與於觀民省方之實至於壤則賦額民

江陰縣志

卷首

舊序

九

數一切不紀而仙佛之廬臺榭之廢址達官貴人之墟墓詞人流連光景之作滿紙而是嗚呼此何異於家之籍專記圖畫狗馬玩具爲粧綴而租餽錢貫所以需衣食之急者漫不足徵也其亦何取於爲家也歟知家之有籍本以治生而非以觀美國邑之有志本以經世而不以博物則得之矣竊聞國朝集諸儒臣修一統志時兩人相誚其一人欲載科目之數則曰此非進士錄也其一人欲載戶口田賦之數則曰此非黃白冊也科目則別有錄矣不載宜也戶口田畝固天下之大命而經國者所必稽也且若彼之說則禹貢周職方其亦黃白冊也哉彼固以是爲瑣細

俚俗焉而不載也江陰於常州爲屬邑而枕江之衝爲蘇常諸郡北門以故視他邑獨重舊雖有志而宜書不書不宜書而書大率如所論諸志之弊無足徵者至今令餘姚趙君始更修之趙君爲政潔已愛民才敏而慮周凡志中所載田賦徭役戶口食貨謠俗水利防江治盜之源委本末節錯絲棼蓋皆君之所嘗蚤夜盡心焉者其於浮文羨費則盡屏去不事譬如辛苦起家之人斥絕耳目之玩而畢力於家人生事之間一錢粟之盈縮一臧獲之奸良與夫鐫鑰門戶之守雖其錙銖隱蹟而聰明智算舉無遺者於是一切以其精神思慮之所及而登之於籍至其纂緝

江陰縣志

卷首

舊序

十

成編則以屬之學士張先生先生以其國史之餘才而推之以成一邑之史故其所載繁簡刪存能得趙君所用心而著之以爲後來治邑者之所據準又如計然任公之徒精於治生而太史公萃之爲傳凡其仰俯拾取廢居棄與之法與夫卮茜荻漆之細莫不具載能得諸人所用心而著之以爲治生家者所必資蓋爲邑之與治生意嚮或異家籍之與邑志體裁亦殊至其的然當於實用而不取辦於具文焉則一也夫前人以其所用心而著之籍記後人因其所籍記而得前人所用心而守之是以家道能常興而不墜予欲使後之爲江陰者因趙君之所爲志而知其

所用心而守之也爲之書其端

邑人  
張 袞

邑志之修也予安能爲是役也宋有刻本凡十卷教授鄭應申郭庭堅爲之是時江陰爲軍元至元間嘗一翻刻皆仍故也其後入我國朝繼軌而修有若賀子徽氏顏瑄氏種種而出乃稱縣志焉因革之初旁資事實多出亭父里魁之言文或不副大抵然矣宏治癸丑蘭溪黃君爲令思皇作者羅絡希聞剖析疑義雄辭環辯自成一家言是可不謂傑然已乎後若干年宗黃而續志凡得九卷曰方謨氏合前後觀之或謂黃之志縟也多取而寡要奇搜而眩

江陰縣志

卷首

舊序

十一

實君子思見其初焉夫初者宋人也畧也由畧而詳可矣比其詳也不勝其文是故志之難也予安能爲是役也嘉靖丙午巡按御史王公言來按茲土詢志考俗乃以掌故屬之邑令趙君錦俾予詮次爲役予懼焉而不敢當又踰歲巡撫都御史歐陽公必進巡按御史陳公九德相繼督之趙君乃闢延陵書院爲館簡諸生才者五人佐予以從事未幾而劉珪林文煥病亡乃與蔣龍徐鳴玉吳允稍議討之緝其舊文若干萬言凡二十三卷補其遺事凡二十六載有奇門分類別事各有歸而不相殺其綱領可尋也先爲發凡舉例示準繩在茲其去其取非敢私爲異同也



予之少獲自盡者塗轍若此而已至謂得損益之宜適文質之中明先王疆里之故推其精神之運播告於冊以一民志於無窮謂爲有補邦君之治非予所知也始事於丁未春二月越是冬十二月告訖中間予以病廢者若干旬刻旣成趙君將正諸有道謁其文冠諸篇端予不佞謹次其槩以見予之懼焉而不敢當者赧焉而有餘媿也

書志後

知縣  
趙錦

郡縣分土而治其政若易也而川谷異制民生異習則其所以爲休戚者亦因以異而施之於政緩急亦不能以皆同以不能皆同之政而雜然施之此郡縣之治所以未易

江陰縣志

卷首

舊序

十二

言也江陰素稱殷富爲國家財賦之區而地多高印民嘗苦旱昔人並開諸渠皆自江以達於運河議者因謂以洩震澤之水使入於江而不知其正欲引江之流以便乎農也惟其潮汐往來沙渾易積疏濬未幾而湮淤如故言水利者莫急於江陰而言治水之難者亦惟江陰爲甚其東私港谷瀆之間接乎常熟之慶安去縣九十里而遙其地枕江以爲險其民負鹽以爲利法制旣疎習染遂惡小者揭竿黨聚肆行邨井而大者治舟航挺矛刃公肆抄掠於洪濤巨浪之中至抗衡官兵而莫之懼吏捕者少則不能得多則遂遁而入於海故江陰素稱多盜賊之擾而言弭

盜者亦卒無良策夫其急與擾也則政莫有先焉者而其難與無良策則亦以因循曠廢之餘而欲得夫久安永逸之道爾蓋爲政之道猶之治心治心者日省察之而後私僞無所容而本體長明爲政者日飭治之而後釁孽無所萌而民生長安今或積數年不濬而一旦欲諸渠之並通居常無以稽察其出入先事不能逆折其萌芽而欲寇竊之不作此雖不濕素安之地尙亦不可而况欲以是得之江陰乎故爲政者誠加之意時而考之母忽其安歲而計之母畏其難則施之有序事固無不可爲者故治水難矣而計畝以授功分年以治事所謂導河夫銀者又爲之歲

江陰縣志

卷首

舊序

十三

畜以待需則官府爲歲舉之常而無并集之擾百姓以彌月之勞而獲十年之利卽諸渠亦未嘗不可通也至於盜賊之變雖無常形而先事立防則若保甲之法編集提督之有方會哨之舟彼我往來之無間則亦可以消其未形之惡禡其不肖之心而卽不幸有變亦不至於滋蔓而難圖矣蓋崇本以清源因時以制變賢哲之士自有良圖而天下之事未有無序而可行懈弛而可幸於無禍者也此其大端也予之始從政於此也睹民物則惻然視案牘而茫然徒切焦勞罔裨治理今而後知江陰之政其先且大者實在於是則又以積廢之餘未能兼舉而且自惟鰥曠

罪深莫克是終之爲懼於是丁未十有二月江陰縣志成  
邑之事巨細既有載矣而於斯二者則予不能不深致意  
焉以俟後之君子也邑故有志今志作於大司成水南張  
公其遺文故實多採諸舊志而提綱以示之準糾繆以協  
於貞芟蕪以歸於核蒐逸以入於詳使燦然足以信今而  
傳後從政者有所於稽則公所自得者居多其共繕之費  
取諸歲會之餘而公自授館迄於告成盡謝廩庖之餽省  
金凡若干兩同修邑志者五人亦多所謝卻而劉生珪林  
生文煥中以病亡蔣生龍復與計偕孜孜夙夜克相厥成  
者則多徐生鳴玉吳生允之功焉皆讀志者之所不可不

江陰縣志

卷首

舊序

十四

知也

主修

知縣

趙錦

纂修

進士

張袞

庠生

林文煥

庠生

徐鳴玉

庠生 劉珪

庠生 蔣龍

庠生 吳允

重刻趙志序

萬曆四十七年

知縣

宋光蘭

江陰故有志而重緝纂修大司成水南張公司簡焉公以  
經世文章讀中秘書鏤金鑄玉之編摩烺烺炳天壤何有  
於一邑之史哉於是應兩臺請執牛耳而校讐之蒐核詮  
訂實殫窮年之力予得命而泣茲土津津喜曰延陵讓德  
之區也山水清越篤生顯人遞禪而興熹光彝鼎者節概  
凜於嶙峋丰標昂於山斗弈弈載籍詳哉其言之矣甫下

車搜所藏板而彙修之迺知殘落者過半爲之扼腕曰國  
有史郡有乘邑有志家有譜以紀不磨也是可令其自遺  
自佚於若存若滅之間乎爰見全書於張氏挈原本而付  
之梓人令缺者悉補之刻成繙閱再四人物俗尙田賦徭  
役食貨風謠犁然若曙真不刊之巨典也是舉也雖不敢  
藉有成編貪天功爲己力第天眷休明卜年未艾俾斯籍  
與之並傳不朽司成公七十年來之英爽不至悵往牒於  
淪湮者意在斯乎意在斯乎聊序數言以旣厥心司成公  
之文孫曰嘉孺者隸名成均能董其事者也

馮志序

崇禎十三年

知縣

馮士仁

江陰縣志

卷首

舊序

十五

憶筮仕江邑詢掌故以志事以架閣所度者進乃嘉靖丁  
未大司成張公所裁定也閱之恍與百年前人晤對父老  
子弟遺聞半在寒煙蔓草中過此又何知焉因有意於徵  
文考獻五年鞅掌攢眉未皇及也今歲計還之午日賢士  
大夫始以公牒見屬因推擇史材親爲除舍奉几秉直之  
董狐則徐徵士遵湯博物之子產則周文學高起僉謀正  
字各舉所知卜吉授簡與士大夫束牲載書盟曰志非以  
謏聞以昭鑑也天塹地維金湯玉壘之形勝可畧而滄桑  
陵谷之觀宜綜鼎革太平賜酺安阜鼓腹之熙景可畧而  
儉侈涓漓之俗宜紀風移牛車擔負犢佩成羣之順治可

畧而樵車算緡之苦宜繪時艱麟游麥歧草妖木怪之禳  
祥可畧而蜚蠊碩鼠之殃宜資省驗摘發如神剖決如流  
之奇績可畧而戴星齒雪之勞宜垂峴首一門五貴一歲  
九遷之寵遇可畧而櫻鋒觸燄之丹宜標碧血名布通都  
交連守相之英風可畧而白駒空谷之遺宜發幽芳五釜  
酬恩三窟市義之榮名可畧而履霜貫日之誠宜開生面  
富表懷清貴傳緹曳之賢媛可畧而殉節全孤之貞宜畱  
彤管頌傳譜載觴詠遊觀之文詞可畧而陳謨佐史之編  
宜勒汗青如是者日有折衷百日而草創具余迥然喜復  
喟然嘆或曰於前數者有未盡愜耶曰愜矣盡矣不能易

江陰縣志

卷首

舊序

十六

矣但初與百年前人晤對如談羲皇時事神飄飄遠也今  
與百年中人晤對如談天寶時事淅淅下也緬惟五年  
來跋履到矣疆界能理乎版築勞矣河湟能濬乎拮据瘁  
矣職業能修乎田功卽矣民物能康乎三壤則矣貢賦能  
平乎賓興舉矣文教能振乎簡練勤矣武衛能奮乎彰瘡  
分矣風俗能淳乎見之紙上則燦若分犀反之心中則芒  
如負刺正欲商未了事適以召命行以寸晷披牘與數百  
年名詰晤對喟然嘆者復迥然喜焉夫千古表江邑者延  
陵春申而已國風十五遂銷文身斷髮之蠻風珠履三千  
因成鬪雞走狗之吳俗顧自漢迄唐人物不少槩見豈皆

爲晉陵所收耶卽葛文康邱文定勛閎爛漫宋史今亦何蕭瑟也然今亦何必借才異代無論駿業鴻文代興不乏卽正德天啟之季固乾坤一大闔闢也三虎據於蒺藜雙鳳填於鴟鳩當年生死不同同之不死旣以輝煌俎豆茲復炤耀簡編恐他邑志乘所罕覩浮名易謝真氣不磨持此可以正告中外矣闡微舒鬱志中第一義也特表出之若取材之富持論之公覽者自見余又何贅焉

主修 知縣 馮士仁 纂修 貢生 徐遵湯 庠生 周高起

沈志序 國朝康熙二十二年 本府同知 危際泰

國家疆圉錯繡提封萬里幅員之盛亙古未有也邇者滇

### 江陰縣志

#### 卷首 舊序

十七

黔小醜解甲就縛閩海逋鯨望風納款武功赫濯文德優崇

皇上坐明堂朝羣辟撫茲輿圖遠過歷代而通志一書未經編纂何以垂永久以揚鴻休是以徧

命天下守臣詳參舊志增益成書付之冊府彙爲

國史甚盛典也江南素稱浩壤在勝國則爲畱都山川人物甲於天下制軍于公撫軍余公暨藩臬各憲躬勤夙夜博覽羣搜省有局府有局又令各守土之臣皆以志獻於時江右沈君宰常之暨陽尤以茲事爲重延請鄉先生暨邑庠淹博之士本之舊乘加以新參自神熹以來數十年

凡疆里因革賦役戶口懿行藝林存信者十之七質疑者  
十之三燦若列眉洞若觀火逾月而志已成予以練兵來  
茲禦侮江上暮春抵任入其郭見士民靡秀秩秩彬彬則  
知沈君之政化有成也履其畝見野無惰農田無奧草則  
知沈君之教養兼至也無暮夜之呼無犬吠之警則知沈  
君之綢繆克固也且徵令期會諸大役莫不抵掌立辦下  
不擾而上以安沈君何宏才肆應如此哉志成予適有荆  
溪之行簿書恩劇不獲効編摹之助而沈君不我遐棄走  
使相聞欲予一言附之簡首予不敏竊喜以微名側諸長  
者之後敢以僮僕謝乎嘗聞疆圉廣於漢戶口盛於隋然

江陰縣志

卷首

舊序

十八

漢武用兵而海內虛耗隋文操切而元氣彫殘我

國家幅員之遠既邁周接虞而

皇上天縱神武齊聖廣淵削平諸逆悉奉

廟謨萬幾之餘發爲

睿藻天章煥燦震古爍今無疆維休亦無疆維恤郊廓之  
鼎豈止卜世三十卜年八百哉江陰在唐宋爲暨陽軍在  
明爲巖邑賦役繁重江海奧區名雖一縣而棘手嘔心幾  
與刺史等今文武諸上憲精明慈厚風厲庶司無有媮於  
官怠於位者於斯志也竊有感焉矣至沿革建置前志已  
詳碩作名流今志復備又豈俟予爲嘆美也夫是爲序

知縣  
沈清世

縣曷有志乎周官以職方掌四方之志而太史陳風十五國之貞淫治亂爰載於詩其郡邑志之肇乎而麟經一書記載二百四十二年之事獨宗邦百里記載尤詳迄今燦若列眉皆藉尼山之筆削以不朽厥後漢制郡國上計簿唐初作十道圖元和作郡縣志宋明有寰宇志一統志此皆蘭臺籤軸博採成編蓋志事之與史事相表裏也久矣顧不重哉我

國家誕膺厯服率土車書壬子之歲

上俞廷臣請徵天下通志維時蕞邑斗城咸載筆從事獨

江陰縣志

卷首

舊序

十九

江邑之志剺跡半糊尙係故明萬厯間所遺舊梓近數十年之人物科名缺焉未載其不委之荒煙蔓草者幾希其故何歟令甫下車攬其風土考其文獻不禁愕然久之妥詢之父老云續志之缺也崇禎之季輯而中隳及

國朝奉檄重修前令脫稿垂成旋以罷官而止噫令固一官爲傳舍哉側維江邑春申故里季子遺風水帶山環代多名彥一秋雙解之佳話猶傳一科十五之餘音未熄而顧茲邑乘曠缺年久杞宋無徵烏乎可乎令也不才濫竽斯邑修舉廢墜實繫子心獨是閭閻凋瘵積逋難清旣拙催科又慚撫字令之面目日憔悴於簿書錢穀中不遑晷



暇且蕭然垂橐劓劓無資惴惴乎如白鳥負嶽竊有志焉而未逮也比者赫濯

皇威來王萬國

聖天子特命史臣纂修鴻集黼黻太平爰令天下郡邑輯修舊志令因拜手奉命不敢後期乃禮邑之薦紳及博宿弟子員分科採校蒐軼訂訛列卷二十有二較之舊志爲加詳一切梓費令勉力倡捐用藉邑之紳士共勦是舉浹九旬而告成事焉噫令何幸而慰此夙願哉公餘翦燭按帙分披別類起凡秩然有次思夫江邑之繡壤蓉城疆域如昨樸耕秀讀禮讓弗衰繼此之鉅卿學士孝子忠臣與

江陰縣志

卷首

舊序

二十

夫貞夫節婦品行文章當必雲蒸霞起垂帛千秋此皆邑之慶也而令膺民社所宜師慕流徽者惟此名宦一端來暮興歌去思成誦古人所以重樹立也追溯前賢諸君子何如人哉苟不然而貪墨玷箴鷲殘失德邑之人唾之罵之抑相與訐而斥之一旦身名俱敗遺臭難湔以視光簡策而傳尸祝者何啻塗炭之與霄壤絜短長哉是志也所以昭勸懲鑑淑慝令甲可畏直道猶存桐鄉之民豈有今昔歟令二載居官心勞政拙錄無寸長惟此邑志一書得際此盛會以報竣豈非厚幸然而履薄臨淵苦海無畔不禁讀循吏一傳而惘然自失也

邑人  
朱廷鑑

今天下固文教昌明之日也

聖天子以聰明睿哲之才著作一時進退百代將六合之大九州之遠括囊而羅列之奚獨一方一邑之兢兢雖然郡邑者天下之分也况吾邑之文獻湮沒急待修明者久矣考舊志自宋以來諸本俱亡失不可問所存者惟黃志方志張志馮志四書鼎革後燬於兵燹惟張志板尙畱架閣庫亦殘缺失次且其書所載止於前朝嘉靖嗣後百餘年星移物換典籍淪亡舉沿革興廢盛衰得失之故悉委於草莽而莫之問果誰之責乎

江陰縣志

卷首

舊序

二十一

本朝四十年來宰是邑者惟澧州龔公有志修舉屬余業師文學陳芝英編次成集遠稽近考芟蕪補遺庶幾存什一於千百值軍興旁午未獲卒業踵事者鞅掌簿書猶恐不給至於咨訪掌故則遜謝未遑矣南昌沈公下車之日毅然以纂修爲己任具請上憲獲報可乃訪求遺書得業師所撰舊稿將付剞劂會

當亡以四海蕩平車書一統命儒臣重輯通志

詔下督撫檄行各郡縣徵取成書刻期彙進公乃喟然曰修廢舉墜者宰之職也述往示來者宰之志也况重以

天子命將閭胥族師黨正鄉大夫皆有所書以登於王宰

敢以蒐討之難玩忽不報耶迺設局於學舍召集博士弟子員陳其難劉匪居殷祁雷薛日宣陳玫共羅舊聞互相參考而公與郡司馬危公學博陳公更詳加刪定閱三月書成因屬余述其事今惟四海一家萬里衽席幅員之廣於今爲最江邑雖僻小凡山川土田學校防禦吏治民風皆

今天子之德教所存也况地爲延陵故墟禮樂文章忠孝廉節代有傳人而此百餘年中滄桑更易奇烈偉行尤指不勝屈至若抗聲藻於藝林播謳吟於委巷單詞隻字使後之人可以因言知世論世知人者亦爲太史采風所必

江陰縣志

卷首

舊序

二十二

及今是書成而前志所已及與前志所未及無不綜古今該名實舉類別義皎若列眉而徵信昭勸卽偏長小美鯁鯁恐遺善焉於以備一代之網羅而俟千秋之論定公之功豈淺鮮哉余生長於斯旣幸一隅之書得會際昌隆及時編集且喜公之能力任修明不畏難不慢忽有以答聖天子之休命也至前令之畱意遺文余業師之苦志編摩與邑諸君子之同心討論余雖不文敢不援筆而並識於簡端

原修

縣知

龔之怡

原纂

生

陳芝英

續修

縣知

沈清世

續纂

士進

朱廷鋹

貢生

薛日宣

貢生

劉匪居

貢 殷祁雷 席 陳其難 席 陳 玫

蔡志序 乾隆九年

學政 開 泰

蔡君涖治江陰凡九易草木人安事理以有餘暇於是屬其人士謀纂邑乘余惟乘志之因革損益每數十百年而一變諸所載城郭宮室山川溝洫與古今忠孝節廉文人畸士之可法而傳者待有心人稽核補葺以詔來茲明不忘也蔡君有歸休之志當事者勉畱之不果去而君之治大成頌聲愈益著江人曰微君蔑與成是役也越明年君以年將七十一朝辭位去而書適告成予謂爲賢吏者誠宜一日而有百年之心不傳舍其官以秦越其人也故所

江陰縣志

卷首

舊序

二十三

至民樂所去民思否則心搖搖恐夕不逮朝而況能久乎况知其未久而思所以傳諸又久而愈久而愈不忘乎何君之汲汲於是役也君治江陰久矣風檣星軺所見聞婦人孺子所告語遺民故老文學掌故所畱傳苟可利江人者靡不周知而以誠行得一一筆之於書有以信今而垂後無疑也君將去而汲汲是役爲不忘也蓋江人不忘蔡君銘心版勒口碑矣謂觀是書者亦得見君之心與其所以爲是可以爲君壽蔡君方欲涖茲土者開卷而獲治術凡因革損益復如君之所以爲則不獨一日之利己也亦永不忘乎江人今蔡君行有日矣觀是書觀君與江人之

相不忘孰能忘吾蔡君哉是可誌也

本府同知 祖世德

今上御極之七年余膺

簡命佐典毘陵郡署故在郡屬之江陰江海之險資彈壓焉嘗以公餘縱覽山川風土之勝心竊樂之及與士大夫相接則尤恂恂彬彬有延陵君子風旣而徵考邑乘所得日益詳然自前令沈君增修以來不舉者且六十餘稔不殖將落非長吏之憂乎長樂蔡君吳中循吏也治江日最久邑所廢墜整理畧盡癸亥之夏始以輯志事謀於余余力贊成之爰集邑中碩士適館分纂不鄙疎畧推任監修

江陰縣志

卷首

舊序

二十四

自惟不文然公事不敢辭也稍與校讐之末剗劂方半蔡君賦遂初去而雄山王東莞羅兩賢令先後接武羅君尤殫心經理克底於成惟志乘爲政教大端俗吏以筐篋置之惟賢者爲能網羅提挈維文獻於不墜今澄江以風雅奧區得蔡君經始於前羅君善成於後俾千百年之往蹟延於有永厥功豈不偉哉余忝佐郡於郡事無不當問而澄江其尤親也乃喜而誌其事如此

知縣 蔡 澍

天下創始之易每不如圖終之難然苟其才與力足以擔荷厥事而心又克副之則始事之竭蹶而未有已者一振

作間馴至於成功而甚易此余於邑志之竣而不勝厚幸也先是余莅江邑泛覽舊志卷帙殘缺甚夥重以六十年來蔑有增輯文獻寔湮將謀續修之而政務碌碌未克舉癸亥之夏迫於章縫之固請始集學行兼擅之文士數人假館東隱山房分編合纂而余以荒陋謬推領袖竊於簿領之暇親鉛槧繼膏晷日濡月染不敢言勞雖諸君銜華佩實各盡所長而余以井觀蠡測之見調劑於堅白同異之間用心亦太自苦矣背秋涉冬成竹畧就好義賢紳協謀釀金就梓鏤版未幾余齒邁懸車得請受代獻歲發春雄縣王君實來公事旁午靡暇及此緩圖而余亦緣瓜期

## 江陰縣志

### 卷首

舊序

### 二十五

倥偬兼代嬗有序無能力爲提倡比者事竟將歸重念垂成之功將就廢墜每一動慮輒忘寢食林鍾上浣粵東羅君以賢能膺大府推轂題署茲土甫視篆問政所先有以修志事告者則躍然起詣館檢視集同事諸君獎借慰勉之未就稿本如千卷則口諷手披秉經酌雅一歸於正視余前乘之筆削加詳焉其他經費之出納工次之遲速罔不登高而呼山鳴谷應而邑人之趨事者奔走恐後不啻屋之建瓴水之東注惟意所之而無所於格也蓋至余驪駒在門而斯志已駸駸乎告成功矣余於是重有感也夫古今來宏鉅不朽之業類多人爲爲之然才與力之不逮

有委蕙退沮己耳卽才擅矣力饒矣而心所不屬謂是非我業及之也騎牆而視之中道而畫之壁上坐觀庸詎愈於才力之俱遜者乎今羅君南海逸才敷歷江左寢積年祀邑人拭目新政而先出其餘技彰文表獻其才比於駕輕就熟而倡導振刷風流令行力更足以濟之且又知輕重識大體不挾人我去就之見爲町畦務殫厥心底厥績而後己宜其余之經年拮据而尙有待者君以數月觀成而晏然也當明中葉蘭溪黃公傳修志書成旋奉徵拜侍御卷帙塵封者幾二十載迄上黨王公泮爲邑始舉而鉉行之邑人侈爲盛事莫爲之後雖盛不傳矧余之謫陋雅於蘭溪無似而藉手於羅君以無負茲役者其捷速較倍於上黨哉余行矣蓬窗煙水馬首雲山惟此志中風土山川歷歷相爲映發耳他日彙成全璧俾來惠我一函則臨風眺望宛在一方諸君子尙爲我三拜羅君之嘉貺乎是爲序

江陰縣志

卷首

舊序

二十六

知縣  
羅士瓚

自昔循良之吏多用經術粉飾治具非好爲迂也凡獎勵名節揚挖風雅網羅文獻漸幾化行俗美匪是蔑由焉故入境問俗觀風考乘採諸輶軒被諸國史用爲潤色休明之具則志乘實爲治法之先資也俗吏困於筐篋風微人

往莫知所之有來丐索者蟲蠹穿嚙之故簡自在仕學之  
相左所關豈細故哉暨陽屏山枕江夙稱三吳壯縣曩予  
宣力水利視浚海隅密邇封壤畧窺江山形勝及人文士  
俗之美今甲子夏仲需次吳會側聞前尹蔡君方續纂邑  
志竊以蔡君之才久任名邦躬操筆削高文壯采必有冠  
冕吳中爲志乘出一頭地者予將訪讀瑤篇用作他日型  
式旋邀上臺剡薦來宰是邑值蔡君百廢具興之後政平  
事理深愧嗣音辱承分纂諸君子惠教全書細雨檐花披  
襟雒誦於獎勵揚挖網羅諸典本經術而恢治者靡不淋  
漓曲暢彬彬乎質有其文曩所服膺於蔡君者益信爲不

江陰縣志

卷首

舊序

二十七

虛而諸君子閱覽博物之長亦於片羽間窺見一斑矣緣  
卷帙浩繁倍於前乘自客冬剗劂寢淫半稔尙虧一篲而  
原稿中間有商榷未定者蔡君馬首載途囑予點勘自揆  
末學疎淺氣折大巫何敢謬贊一詞惟是蔡君鴻文椽筆  
已具滄溟喬嶽之觀予僅以尺梯寸綆攀緣上下卽覩高  
深全體以附驥尾而垂久遠是則蔡君之愛予特甚予亦  
有藉以報諸君子之嘉也弩之末貂之續特以免賈生筐  
篋之譏曩昔蟲蠹穿嚙之故簡得分蔡君之餘光以覘全  
豹耳諸君子尙以子反之殿爲不佞之功哉聊以釋予愧  
而已是爲序



古者列國有史掌書國中之事以達於王而天子有小史大史以掌邦國四方之志今縣郡省各有志積之至於天下哀爲一代之全史皆是物也則縣志之作不綦重哉唐荆川先生序江陰舊志云譬諸有家者之籍記凡田晦租甌錢貫絲縷鼓合醬罌僮指之數一切有益於家道者雖纖悉不可遺至池館花樹狗馬圖畫古物珍玩徒以供玩好侈觀美一切無益於家道者槩從其畧焉蓋以國邑之有志本以經世不以博物斯言誠得之矣第志之始作常病其簡而不該迨屢經修葺未免過爲糝綴如山川之麗

江陰縣志

卷首

舊序

二十八

臺榭之觀仙佛之異及達官貴人詞客流連風景之作紛紜滿紙而吏治民生所攸關者反缺焉不詳其不蹈荆川先生所譏者鮮矣澄江邑志自康熙某年後歷久不修幾於無徵前任古青蔡明府莅江八載政務整肅諸廢具興於乾隆癸亥夏延邑中紳士開館修葺分類若干爲卷若干堪稱美備或謂山川圖繪歌什辭章得母失之繁余曰江邑之志由宋歷明及我

朝康熙年間修續不啻再四則踵事增華不能槩爲刪薙亦時勢使然當爲秉筆者諒也况其有關於吏治民生之處原委本末洞洞悉悉展卷瞭然又豈有家者專務遊閒

華飾之物反畧纖勤治生之具所可同日語哉是雖方隅之記載實爲全史之準據蔡君亦幾費苦心矣甲子春蔡君懸車告去梓未克竣賴雄縣王君東莞羅君兩明府後先繼美又得右丞西江季君暨纂輯諸君子踴躍從事始克成書余初夏莅左丞任得步趨於諸君子之後贊襄盛舉爰不揣譎陋用書數語以記事非敢云序也

主修

知縣

蔡澍

接修

知縣

羅士瓚

陳志序

道光二十年

學政

祁寯藻

道光丁酉秋寯藻承

天子簡命視學江蘇江蘇使署舊設江陰明年三月江右

江陰縣志

卷首

舊序

二十九

陳君以司馬來攝斯邑篆余方按臨蘇州及歸試常郡聞邑人士頌署令賢能下車數月百弛具張適郡士以考棚隘陋呈請更新余檄郡守通飭八邑捐修而郡守委司馬總理其事頗難集時復甚促逮逾年科試時輒能委曲求濟刻期竣功改作增建悉中機宜余以知司馬果賢且能也旣而謁余曰江邑志書失修者將百年矣邑之人以是役相屬望甚殷近延紳士商修之已有緒畧書成將乞鑒定焉余喜券其必成而諾之歲杪旋署間嘗以所擬志稟見示全稟都若干卷勞若干門綱舉目張條析貫串每門之首冠以小敘皆司馬所自爲舉此邦興革纖悉人情

風俗簡括以數語而靡弗兼賅其全書則就諸志之繁簡異同參攷互訂折其中求其是雖一人一事必再三詳審凡與志館諸君往復辯論決擇者塗乙滿紙丹黃爛然並出司馬一人之手非如他郡邑之輯志乘守令或僅署名校訂已也江陰素稱繁劇司馬治簿書餘猶能從容泚筆蓋司馬以篤學久困場屋今本才學識三長泐成一書藉以展其素所蘊蓄而余於平日稔知司馬之理庶政頗有志於古循良之風茲觀是書其設施經濟已可概見而於士習民風之要愛民教士之誠隨在流露是卽以此爲司馬治譜可也夫人情風俗數十年而一轉移者也其轉移

江陰縣志

卷首

舊序

三十

而善者令之所宜獎勵鼓舞也其轉移而不善者令之所宜防微杜漸也然以千百里外之人驟泣一邑其人情風俗非所習也勢又不能戶察而家咨也非有考鏡之資烏能洞悉興利除弊之原哉斯志也成後令覽之可藉手以奏治績邑人士覽之可景行以跂前徽關係詎淺眇也竊藻蒙

恩命內召兼奉八閩之役不及候書成與爲商榷以踐前諾惟考棚之成也余旣礪石記之矣於司馬斯志實不能無言也爰識此畱以弁諸簡端

知縣

陳延恩

烏乎知縣而同父母之稱哉父母之於子也笑則以喜啼則以戚枵腹而哺其子不顧己之飢與否盛怒而撻其子旋問子之食與否無一念不愛無一子不愛子而才詩書之訓衣食之源可無慮矣又必爲之防隕越焉計長久焉子而不才詩書之訓衣食之源幾無望矣亦必爲之反覆冀其悟焉稱貸謀其生焉拮据未嘗言勞恩勤未嘗望報出乎天理人情之至無一毫矯強於其間生我劬勞所由昊天罔極也烏乎知縣而同父母之稱哉延恩自幼卽奉先大夫玉方府君庭訓立身首重忠孝稍長示民生疾苦稼穡艱難延恩謹識之不敢忘歲戊戌承乏江陰江陰爲

江陰縣志

卷首

舊序

三十一

先仲父雪香府君昔嘗駐節地甫下車觀民俗問民俗竊不自量惟以正人心厚風俗爲亟念志載一邑之事邑志續修於乾隆九年前縣令蔡君澍迄今倏將百年倘再不修匪特文獻無徵且無以攷鑑政治得失民生利弊之助逾年甫集議會郡尊飭修郡志促縣先呈新志延恩德薄能鮮懼弗勝任迺萃邑中之有學行者分司纂輯敦延山長李申耆先生總持大綱邑人楊雋凡司馬周木雲明經統理局事延恩念志載一邑之事知縣當知一縣之事謹守昔賢志以經世非以博物之說參攷舊志條定凡例局每脫一稟送閱雖公事旁午必勉爲溯其本稽其實求其

安目覽手答歷盛暑嚴寒不敢倦尤於綱常名教之大風俗人心所繫垂涕而道焉始己亥四月及今歲八月告成凡爲類二十爲子目八十有四都爲二十八卷剗劂將竣邑人士乞一言以弁卷端延恩區區求治之誠已散見諸志中復何言哉延恩惟念志載一邑之事知縣當知一邑之事卽當行一邑應行之事自戊戌履任夙夜恐懼兢兢力求教養兩大端顧於茲三載民之顛連無告者未各遂其生鄉曲自囿者未盡啟其悟重維爲民父母之名不禁汗顏有餘媿捫心有餘疚也

知縣  
金 咸

江陰縣志

卷首

舊序

三十二

澄江爲吳中人文淵藪山水清越代多賢俊邑志自蔡羅兩君纂修後百餘年來散佚過半陳君雲乃以司馬攝是邑下車以來亟亟以正人心端風俗爲急務三年治理百廢具興當世士大夫罔不交相引重庚子秋司馬以縣志年久失修採訪蒐羅輯成二十八卷其於山川名物風土人情均各條分縷析後之來者展卷之餘瞭如指掌惟鄉賢一門尙有候定適卸篆他遷咸奉檄來莅茲土從士民請備文申詳壬寅冬奉 部覆准謹以鄉賢一則增修成帙從茲英奇碩彥永奉馨香以垂不朽是亦成司馬未竟之事耳爰贅數語以弁簡端

江陰縣志修輯姓氏

主修

補用同知直隸州候補知縣代理江陰縣知縣署沭陽縣知縣 盧思誠

補用直隸州江陰縣知縣 沈偉田

補用知府卽補直隸州丹徒縣知縣調署江陰縣知縣 馮壽鏡

協修

署江陰縣教諭 傅介福

署江陰縣教諭 張錫組

江陰縣訓導 吳應生

總纂

江陰縣志

卷首

修輯姓氏

一

四品卿銜翰林院編修 季念詒

同知銜就職直隸州州恩貢生 夏煒如

分纂

舉人 向高

五品銜揀選知縣舉人 祝譽彬

恩貢生 夏子重

五品銜前通州訓導廩貢生 謝高育

孝廉方正六品頂戴前署鎮江府學教授廩貢生章仁基

直隸候補知州舉人 章成義

四品封職候選縣丞附貢生 金國瑛

試用訓導歲貢生

薛心梅

舉人

費葆和

吏部驗封司兼考功司主事

徐士佳

分校

廩貢生

許繩恩

廩生

裴庸熙

候選州同附貢生

蘇恩沛

廩生

吳銘育

採訪

知府用內閣中書副貢生

陳榮邦

江陰縣志

卷首

修輯姓氏

二

運同銜候選通判附貢生

鄭惇五

同知銜試用訓導拔貢生

季榮恩

光祿寺署正銜就職訓導歲貢生

朱齡

候選布政司理問

尤翼堂

孝廉方正就職教諭副貢生

吳鳳詔

監生

韓焯

廩貢生

徐瑛

武生

邢宗洛

生員

沙棠

五品封職

錢蔭生

監生

陳鴻采

廩貢生

周燮

生員

張允恭

就職直隸州州判恩貢生

吳璋

附貢生

孫寶銘

候選州同

曹炯

監生

鄔慶宜

候選鹽大使

夏子瑩

廩生

黃仁燾

廩貢生

承彪雲

江陰縣志

卷首

編輯姓氏

三

歲貢生

蘇汝保

歲貢生

柳寶詒

四品封職附貢生

徐炳照

候選光祿寺署正貢監生

徐文濂

附貢生

程際昌

六品封職附貢生

張官枚

附貢生

許午

候選兵馬司副指揮

吳焯

廩生

吳賡陞

廩生

方仁楷



生員

吳乃新

舉人

王燦如

廩貢生

包註

候選兵馬司副指揮

張寶儉

生員

曾汝昌

增生

王藻林

候選從九

包程萬

增生

黃熙典

候選布政司理問

徐鏞

試用訓導恩貢生

任敦愛

江陰縣志

卷首

編輯姓氏

四

監生

任敬曾

生員

張葆真

監生

焦文貴

童生

梅斐成

候選從九

唐理培

候選州同

吳學仁

監生

譚詒謀

廩貢生

朱鑑

生員

徐光治

兵部候選主事

蔣燕

生員

蔣樹勳

監生

蘇致堂

生員

嚴錦

廩貢生

蔣蕪

五品銜候選縣丞

莊善

監生

顧梓堂

湖南候補縣丞

洪昌期

候選州同

陳瑞元

生員

汪壽康

生員

莊俊

江陰縣志

卷首

編輯姓氏

五

歲貢生

沈寶相

監生

顧玉衡

生員

奚光斗

候選從九

石介貞

廩貢生

黃以翼

廩生

薛恩綬

生員

吳鍾

監生

朱湘

廩貢生

卞乃鈺

恩貢生

倪葆光

監生

吳達

監生

趙璉

候選布政司理問

孫國輝

童生

曹筮謙

監生

張恩廷

監生

繆葆中

監生

金廷瑛

監生

戴英

監生

梅泰

監生

吳俊

江陰縣志

卷首

編輯姓氏

六

生員

梅占魁

監生

殷洪

監生

許潤泉

監生

呂士銓

浙江候補通判

葉佩萱

廣東候補從九附貢生

董澂

廩生

楊敦詩

候選同知

胡堡

生員

胡錕

生員

謝申保

五品頂戴附貢生

吳森桂

候選州同

黃廷瑞

廩生

吳景星

候選光祿寺署正

陳祖厚

歲貢生

葉長齡

廩生

郭鷺飛

內閣中書銜候選訓導歲貢生

郭灃桂

監生

陳芝馨

七品封職

王與曾

收掌

江陰縣志

卷首

編輯姓氏

七

六品銜候選縣丞

章 樽

繪圖

候選從九

章 錄

江陰縣志凡例

一江陰於宋爲軍紹熙五年知軍施邁創爲志紹定三年知軍顏耆仲繼之明復爲縣洪武二十四年縣丞賀子徽始纂縣志永樂六年訓導陳贄繼之宏治十一年知縣黃傅修邑人方謨佐成之嘉靖二十七年知縣趙錦修崇禎十三年知縣馮士仁修入 國朝康熙二十二年知縣牛兆奎修而未竟乾隆九年知縣蔡澍修道光二十年知縣陳延恩修惟鄉賢一門未經 部議覆準因是中止知縣金咸續成之今所存者陳金兩志蔡志間有全帙其餘均已散佚卷首

江陰縣志

卷首

凡例

一

錄其舊序循流溯源意也

一目錄爲全書絜領前志已定者可無容變易曰建置曰疆域曰山川曰民賦曰學校曰武備曰秩祀曰祥異曰風俗曰物產曰職官曰選舉曰名宦曰人物曰列女曰方外曰古蹟曰冢墓曰寺觀曰藝文首冠以圖末綴以識餘此全書之序也增入者忠義總綱暨寇變紀略

一圖爲考鏡之助故冠簡首金志各圖計里開方繪畫精密今仍其舊而損益之一邑形勝披閱瞭然

一建置以歷代沿革爲要斯邑秦漢爲鄉晉始立縣說

本黃志其源出於宋代志書今悉從之并臚列歷代  
修城治水成績留心政要者庶有所考焉

一紀星野蔡志遵時憲書推步較舊志爲詳茲從之道  
里計其遠近坊鄉鎮保郵鋪橋梁咸繫今名以原名  
附註庶賓主犁然

一敘山川當分四境以距縣遠近爲序河港賴江潮灌  
注爲農田水利之資然潮挾泥沙易形壅塞趙志以  
開通河港爲是邑急務今將治河成法及疏濬年分  
詳悉備載

一民賦科則條款恪遵同治五年賦役全書其從前舊

江陰縣志

卷首

凡例

二

額亦著於篇沙洲漲坍升豁隱係民瘼尤不容略陳  
志以濱江腹裏分之迄今又有變遷故照現在實數  
臚列

一學校爲一邑風化所先廟制學制敬謹備載其從祀  
賢儒姓氏金志略焉今照蔡志敬錄祭樂器數慎重  
記載藉資觀化書院義學與學校相表裏故附之並  
及經費所自出焉

一武備不容稍弛斯邑江海門戶歷置重兵戍守區陸  
軍水師爲二今更慎重江防布置周密茲照現在營  
制敘述歷來營制臚列於前察車自輪從所始也

一 秩祀以列祀典者先之廟食民間者次之各專祠附載

一 祥異舊志以豐年爲瑞以水旱蝗蝻爲異今宗其意而以襍祥之顯見者附之若虛誕無稽者概不闌入

一 風俗昉自南陽體裁自昔然矣辨厚薄覘好惡移易之權寓焉

一 物產爲民生所賴亦貢賦所出禹貢厥貢厥篚職方氏其利其穀其畜卽物產之祖昔人謂食貨之於戶口土產詳而勿略合而勿離旨哉斯言

一 職官姓氏暨履任年分前後多所考正惟道光庚子

江陰縣志

卷首

凡例

三

以後至同治癸亥中經兵燹殘缺無稽等諸闕文之史

一 選舉不遺雜流應例仍前志也

一 名宦皆昔之號循良稱慈惠者功德在民故永薦馨香不容擅爲區別列傳尤不宜擅爲點竄今悉仍其舊

一 人物首列鄉賢斯邑自季子讓國以來流風餘韻代起人文其名節卓越文行優長及泉石鳴高才能拔萃者前志均已列傳固不敢遺漏一人以貽蔑古之譏卽有所增入亦循名核實遍采鄉評不敢曲徇人

情之請至庚申寇變殉難之多甲於通省疊邀  
旌卹男女至十餘萬人之夥限於篇幅另刊忠義錄以表揚  
之

一列女昉自劉向原不專指節烈今但紀節孝貞烈餘  
不備載蓋以

恩綸渥沛綽楔褒揚潛德幽光藉此益形闡發

一方外前志紀彼教之卓卓可傳者今無所增續

一名區勝蹟靈秀所鍾古人釣耕所留山水生色志之  
一邑名勝皆可指識

一寺觀前志所載註明廢興同治間御史王書瑞奏準

江陰縣志

卷首

凡例

四

已燬不列祀典菴廟不準建復故無所增續


一藝文志昉自班書前志既錄疏議記序詩賦諸作今  
仍其舊而增之若登山涉水留連光景之作不敢濫  
收

一識餘綴於末志之無可屬者屬之事涉怪誕語近荒  
唐者概屏勿錄

一是書雖詳加考訂而卷帙繁多尅期蕝事魯魚亥豕  
仍恐不免博雅君子諒之正之









江陰縣志

卷首圖

二






江陰縣志


卷首

圖

三

江陰縣署圖






江陰縣志


卷首

圖

四

長江水師協鎮署圖






江陰縣城隍圖


江陰縣志

卷首



五






江陰縣志

卷首圖

六

揚舍堡城圖






江防營汛圖



江陰縣志

卷首



七









江陰縣志

卷首



圖

九






西外鎮圖



江陰縣志

卷首圖

北外鎮圖





江陰縣志

卷首圖

十四

綺山鎮圖



雲亭鎮圖





江陰縣志

卷首圖

十五



周莊鎮圖














文林鎮圖



江陰縣志


卷首圖




江陰縣志

卷首圖

長湮鎮圖



顧山鎮圖



江陰縣志

卷首圖

二十三





江陰縣志


卷首圖

二十四

楊舍鎮圖









江陰縣志

卷首圖

大橋鎮圖





三官鎮圖



江陰縣志

卷首圖

謝園鎮圖






蔡涇鎮圖

江陰縣志

卷首圖






江陰縣志

卷首


夏城鎮圖



江陰縣志

黃橋鎮圖

卷首圖







江陰縣志


卷首圖

三十三

青陽鎮圖




四河鎮圖



江陰縣志

卷首圖







江陰縣志

卷首圖

馬鎮圖




璜塘鎮圖








葫橋鎮圖










前周鎮圖



後梅鎮圖



江陰縣志

卷首圖

四十三









虞門鎮圖










江陰縣志

卷首

圖

四十九







馬家圩圖說

知縣 金 咸

按志載民賦附編圩坦而圩之大者首馬家其地本馬家湖卽芙蓉湖之支湖也府志云芙蓉湖自晉張闔疑闔

卽名宦晉晉陵內史張闔基其中洩湖水令人五瀉河注於具區欲

以爲田盛冬著赧衣令百姓負土值天寒凝沍施功不

成至今圩民肖張公像虔祀之至宋元祐間居民因其舊堤岸堰水

塞湖爲田歲久湮廢明宣德初巡撫周文襄築壩捍江

水上流復成圩田界以大河河西以芙蓉湖爲芙蓉圩

隸陽湖無錫二縣河東以馬家湖爲馬家圩隸江陰之

夏城四保黃橋一三五保青下四七八保前有以馬圩隸及四河鎮

江陰縣志

卷首 圖說

五十二

者西北隅則又隸陽湖之豐北鄉通圍南北約長十里

東西約廣五里圍外四面河流環繞圍內畫爲通塘巨

河九曰善涇曰元涇曰雙涇曰龍骨涇曰姚涇曰吳涇

曰周涇曰斜涇斜涇之南地高於北每遇水災北患尤甚公議將岸加築高廣東西築壩大塘

因此曰陳涇分爲石插二曰雙涇曰洋淮析爲支圩五

十七曰連周者二曰姚成曰楊樹者二曰巫家曰袁家

曰石公者二曰包家者二已上隸夏城四保曰寒蕩者二曰天

井者二曰周堅者二曰上下施家者各二曰雙涇已上隸黃

橋五保曰梅蕩曰上舍曰新田者二曰富岸曰上下沙家

曰橫涇曰南北中尤家曰省田曰殷家已上隸黃橋三保曰崔

家曰顧家曰南北趙蕩曰斷頭已上隸黃曰白蕩者二

一隸黃橋一保曰楊尖曰周家尖已上隸青曰吳大岸

者二曰陳大岸者二曰毛涇曰南中北鴨蕩曰中岸尖

者二曰范岸尖已上隸青曰洋淮隸青下西北隅隸陽

湖者曰桑獨統成田七千三百畝其間港汊紛錯橋壩

層排不可勝紀田塍窒列村墟暮布制本古井田惜後

人不能守昔賢成法惰於歲修岸隄日毀易遭水患入

國朝則雍正十三年道光二十年為尤甚咸於二十一年四

月來視縣事適前署尹新城陳君延恩於災賑後倡捐

修築甫經始而遷任以去咸為踵其役六閱月而工成

江陰縣志

卷首 圖說

五十二

後為之準酌法程以善其後自今以往孔固孔安水澇

足備庶幾為吾民之慶焉是役之始有繪圩圖來者與

志稽覈或昔所名而今已易之或今所有而昔尚無之

滄桑之變不可泥古以論今而綜貫之法莫若以馬家

圩為之綱以所麗各支圩為目詳列其地址並注明今

所隸鎮保庶使閱者瞭然且以補證圩坦門之所未備

陳君去任日諄諄以立說繪圖為囑爰為之詳考辨正

附刊於後其他若同時捐修圍岸之十七圩漕港圩界

涇圩以及各鄉圩坦均未及考故不贅

江陰縣志卷之首終

